

14. Sier Hironimo Querini savio a terra ferma, qu. sier Andrea 66
17. Sier Marin Morexini, fo avochato fischal, qu. sier Polo 45
4. Sier Francesco Morexini dotor et cavalier, fo di Pregadi 84.90
5. Sier Polo Trivixan el cavalier, di sier Baldissera 66
12. Sier Francesco Capello el cavalier, fo ambasador in Franza 74
19. Sier Nicolò Michiel el dotor, fo ai X officii 62
7. Sier Piero Contarini, qu. sier Zuane da San Paternian 69
8. Sier Andrea Mozenigo el dotor, de sier Lunardo 33
10. Sier Gabriel Emo, qu. sier Zuane el cavalier 55
1. Sier Piero Bembo di sier Bernardo dotor e cavalier —
18. Sier Marin Trivixan, qu. sier Marchiò 33
15. Sier Vincenzo Querini el dotor, qu. sier Hironimo —
2. Sier Francesco Querini, fo proveditor di comun, qu. sier Hironimo —
11. Sier Andrea Trivixan el cavalier, è di Pregadi, 47
6. Sier Francesco Donado, qu. sier Alvixe, qu. sier Andrea cavalier 55
3. Sier Polo Capello el cavalier, fo avogador di comun 60
16. Sier Benetto Sanudo el cavalier, fo avogador di comun 79
13. Sier Hironimo Contarini, fo podestà e capitano a Trevixo, qu. sier Bertuzzi procurator. 36

A dì 3 marzo. In Colegio. Vene il capitano di le fantarie, et li fo ditto la expedition sua. Li piaque assai; era satisfato, vol far compagnia di homeni da bene e far la monstra in su la piazza. E si parte diman, e va a Faenza e laudò Zilio et il modello di Corphù summamente etc.

Vene l'orator dil Turchi, qual non è partito, fino di suso, ma non venne dentro e parlò con sier Zorzi Loredan avogador. Vol altri schiavi, tra i qual uoa ha sier Marco Zantani. Ordinato *omnino* fargela dar, e si parte.

Da Ferrara, dil vicedomino, di ultimo. Come il ducha è do zorni ritornò di Mantova, stato a veder comedie. Dice aver auto lettere da Lion di le trieve fate etc. *Item*, è venuti nonej di la comunità di

Faenza per haver le robe, qual par siano stà suspese a requisition de la mojer fo dil signor Galeoto, madre dil qu. signor Astor.

Da Parenzo, di sier Hironimo Barbarigo capitano di le galie di Baruto, di primo. Dil zouzer li; e a dì 2 dezembrio a Tripoli morite sier Piero Nadal capitano di ditte galie. Ha trovato li uno comandamento non vengino di longo per dubito di peste. Avisa quelle galie esser sane e non aver auto morbo alcuno, et cussi li fo scritto subito venisseno di longo. Nota: dite galie perse muda, e in Cypro ave el nostro slongar, *tamen* non volse ritornar; à pochissimi colli di specie, cenere sal e formenti, sopra le qual è sier Nicolò di Prioli vien luogotenente di Cypro.

Di sier Hironimo Contarini proveditor di l'armada, date in galia apresso Corfù a dì 5 fevrer. Come a dì primo scrisse per Marin Govera patron di gripo dil suo ritorno di la Cephalonia, e aver deliberà con quel rezimento mandar homo a Costantinopoli. È stà trovato uno qual anderà al baylo, e a bocha li dirà di la fusta turchescha pasada ne le aque di Ragusi. E trovò una marciliana la qual fo presa da dita fusta, e tracto fuora tutto il cargo, disseno li turchi a' subditi nostri che si voleano riscatar il corpo dil navilio, li desseno ducati 30. E stando in questo sopra una galia etc.; e ferito 15 homeni di la galia da le freze, a la fin ditta fusta fo afondata. E però li avisa acciò sappi il tutto; el qual nontio è partito questa note de li. *Item*, le 7 fuste turchesche, qual uscite fora di la Valona, passarono a la banda de la Puglia, e ha inteso aver messo in terra e non haver possuto far danno alcuno; *tamen* non sano si sono ritornate a la Valona. *Item*, che 456 il muolo di la terra, dentro dil qual se tira tutte galie, nave e altri navilj, va in ruina di zorno in zorno per li forzevel restiazi, e non se li fa reparation alcuna. Ha parlato al proveditor, qual li ha ditto che li danari se trazeno da li navilj per el porto nostro sono bastanti a tenir in conzo dicto muolo. Et è opinion di esso proveditor far uno navilio forte per poter mandar a tuor li marmori che bisognano de molta grandezza per meterli a l'impeto di fuora via, che conserveriano longamente esso muolo; ma el resta per non haver il modo. E lui proveditor di l'armada voria che una di le do galie è in l'arsenal mal conditionata, e fata veder per Marco Lauro ammiragio di quella terra e altri, e visto è quasi inavignabile, e però voria farla fortificar con boni brazuoli e operarla in portar li saxi de li etc. E in loco di quella galia, se potria trar l'arsil di Trani è li in terra